



JUDICIAL SISTEM MONITORING PROGRAMME
PROGRAMA DE MONITORIZASAUN DO SISTEMA JUDISIAL

Nota Koresaun ba Komunikadu Imprensa:
Edisaun Kuarta-feira 3 Jullu 2013 kona-ba Julgamentu movel iha Distritu Bobonaro

Komunikadu ida ne'e hatuun ho sentidu atu klarifika fali dadus balun ne'ebé JSMP hatuun iha JSMP nia komunikadu imprensa, iha 3 Jullu 2013, relasiona ho "Julgamentu Movél" ne'ebé hala'o iha Distritu Bobonaro. Mesmu nune'e, JSMP nafatin mantein no kontinua defende substansia husi publikasaun ne'ebé JSMP publika ona iha loron refere.

Data Julgamentu

Tuir loloos julgamentu movél ne'ebé hala'o husi Tribunál Distritál Suai iha Distritu Bobonaro hahú iha loron 26, 27 no 28 Juñu 2013. Iha públikasaun JSMP nian deskreve deit iha loron 26 no 27 tuir loron ne'ebé JSMP nia staff involve hodi hala'o monitorizasaun. JSMP la kobre atividade julgamentu iha loron 28 tanba iha komitmentu seluk iha Díli.

Total Kazu

Totál kazu ne'ebé tuir agenda julgamentu movél ne'e atu julga kazu hamutuk 19. Maibé iha JSMP nia publikasaun hakerek deit kazu 8 (ne'e tanba kobre deit totál kazu ne'ebé JSMP observa durante loron 26 no 27).

Juis ne'ebé prezide leitura akordaun

Tuir JSMP nia publikasaun ho titlu "*Tribunál Distritál Suai: falla proteze vítima kazu violénsia seksuál durante julgamentu movél iha Distritu Bobonaro*" ho Númeru Prosesu 102/PEN/2012, iha alinea ikus, haktuir katak juis ne'ebé prezide julgamentu leitura akordaun ba kazu violasaun seksuál ba menór mak Dr. Pedro Raposo Figueireido. Maibé tuir loloos Dr. Costânçio Barros Basmery mak reprezenta tribunál koletivu iha leitura akordaun ne'e. Entertantu Ministériu Públiku reprezenta husi Dr. Felismino Cardoso, Dr. Jacinto Babo Soares no Dra. Benvinda do Rosario no arguidu reprezenta husi Dr. João Henrique de Carvalho husi Defensória Públiku.

JSMP mós hakerek iha publikasaun ne'e katak leitura akordaun halo iha 26 Juñu 2013, maibé tuir loloos leitura akordaun hala'o iha loron 27 Juñu 2013.

Ba erru hirak ne'e hotu, JSMP ho laran tomak hakruuk hodi husu deskulpa ba entidades relevantes sira hotu.

Atu hetan informasaun kle'an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Telefone: 3323883 | 77295795

Website: www.jsmp.tl

Facebook: www.facebook.com/timorleste.jsmp

Twitter: @JSMPtl